



Euskaltzainak Saran atzo goizean egindako bileran.

L.E.

Euskaltzaindiak datorren bileran eztabaidatuko du bizkaitarren agiria

LETXEZAHARRETA / SARA

Euskaltzaindia Sarako udaletxean bildu zen atzo Elizanbururen urteurrena ospatzeko eratu duen kongresuan. Egunotan euskaltzaleen munduan bizkaitarrek euskara batuaren inguruan sortu eztabaida ez dute aipatu euskaltzainek eta gaia hurrengo batzarrean eztabaidatzea nahiago izan dute.

Alfonso Irigoienek EGUNKARIARI atzo Saran adierazi zionez, «Euskaltzaindiak aspaldian bultzatzen du euskara batua. Deustuko Unibertsitatean, ez dela aspaldi, mahainguru bat egin zen bizkaieraren lekuaz hitzegiteko». Irigoienek batuak eta euskalkiek ez dutela elkarren kontra joan behar adierazi zuen. «Ez dut uste euskara batua euskalkien kontra planteiatu behar litzatekeenik. Euskalkiak bizi bizirik dauden zerbait dira, mendeetan zehar gugana heldu direnak. Literatura batua gauza bat da, denak elkartzeko egindakoa, eta beharbada apurka eragina izango du euskalkietan eta euskalkiek ere euskara batuan» zehaztu zuen euskaltzain bizkaitarrak.

Irigoienek hitzetan, «dinamika» bat sortu behar da euskara batua eta euskalkien artean. Deustuko Unibertsitateko irakasleak Alemaniako dialektoen kasua aipatu zuen adibide gisa. Irigoienek Suitzan zer gertatzen den adierazi zuen arlo honetan duen aburua azaltzeko. Bere esanetan, nazio honetan «etxeko alemaniera hamar urte arte ikasten da eta gero aleman literarioa ikasten dute haurrek eskolatan».

Alfonso Irigoienek ustatan, Euskal Herrian ere gauza bera egin

beharko litzateke: «Uste dut Euskal Herrian ere horrela planteatu beharko litzatekeela, bide horretara ekarri beharko litzateke».

Eztabaida honetan euskaltzainak elkarren artean haserretzeko arriskurik ba zegoen galdetu genion Irigoieni. «Haserreak konpondu egingo dira» esan zigun euskaltzainak. «Jendeak eritziak baldin baditu jakinarazteko eskubidea du».

Bestalde, Iratzederrek batuaren garapena zuzentzeko eskatzen zuen agiria sinatu zutenak kritikatu zituen. «Karakter txarrekoek egin da gutun hori, beti konforme ez direnak badira munduan».

PP Europako Komunitateko erakundeetan euskara hizkuntza ofiziala izatearren, PP alderdiak ez legezko emendakina aurkeztu zuen atzo Gasteizko Legebiltzarrean. Europar Batzorde eta Kontseiluaren aurrean Europako Komunitateko hizkuntz erregimenera euskara sartzea defendatu nahi dute PPko kideek, eta hori lortzeko Eusko Jaurlaritzak bitartekoak jarri behar dituela martxan eritzi zuen PPK.

«Euskara aintzinarako hizkuntza bizia denez, ofiziala izan behar du Europako Komunitatean» zehaztu zuten. EAEn Euskara eta gaztelera ofizialak izatearren arrazoia eta Espainiako Konstituzioaren 3. artikulua izan dituzte kontutan eskakizun hau egiterakoan. PPren iritziz, duela urte batzuk katalunierarekin gertatu zen legez, tramiteak hastea derrigorrezko gauza da Europako Komunitateko erakunde publikoetan euskara barneratzearen.

Lurzorua erosteko politika «irmoki» bultzatzea agindu zuen Maturanak

Hirigintza eta Etxebizitzarako 15.450 milioi pezetako aurrekontua

Lurzorua erostea «irmoki» bultzatzea eta etxebizitza sozialak eraikitzea dira Maturanak atzo Lakuan aurkeztu zuen aurrekontuaren bi ardatzak, iazkoarekin konparatuz % 13ko igoera duena. Hirigintza eta Etxebizitza Sailaren «garrantzia» aipatu zuen, «iharduera ekonomikorako dinamizatzailea delako».

LUIS KARLOS GARCIA / GASTEIZ

Datorren urtean Eusko Jaurlaritzako Hirigintza eta Etxebizitza Sailak izango duen 15.540 milioi pezetako (777 milioi libera) aurrekontua aurkeztu zuen atzo Lakuan Jose Antonio Maturanak. Aurrekontuak «inbertsioa bultzatzen du eta soziala» da sailburuaren ustatan, eta iazkoarekin % 13ko igoera du.

Datozen hiru urteotan lurzorua erosteko politika «irmoki» bultzatuko duela agindu zuen, «etxebizitzak benetan garestitzen dituen lurzoruen prezioa bait da». Erosketa nahiz espropiazioaz egingo dela esan zuen eta 4.356 milioi pezeta erabiliko dituzte ekimen horretan 1992an, alegia, iazko diru kopuruarekin % 59ko igoera.



Maturanak bere sailaren aurrekontuak azaldu zituen Lakuan.

OLALDE

Baina «errenta txikiko sektore zein gazteei zuzendurik» dauden etxebizitza sozialak eraikitzeke programa da diru gehien eramango duena. 5.689 milioi pezeta bideratuko dituzte bi mila etxebizitza sozial egiteko. Gainera, «errenta ertaineko sektoreentzako» VPO motako 1.200 etxebizitza kontzertatu bultzatuko dituzte, 1.200 guztira.

«Batzuetan gertatzen diren trikimailuak ekidin nahi ditugu», aipatu zuen Maturanak, pertsona batek etxebizitza soziala erosi eta «Admi-

nistratioari deus esan gabe» beste bati saldu egiten dion kasuari buruz.

LANEAN Hirigintza eta
19.000 Etxebizitza Sai-
ETXEBIZITZATAN leko aurrekontuan diru gehien daraman etxebizitzarako politika izeneko atal honek beste zenbait ekimen aurrikusten ditu, «sustapen» motakoak, kasu. 1.361 milioi erabiliko dituzte mailuak kitatzeko, 1.010 etxebizitzak birmoldatzeko eta 300 hartzaileari laguntzeko programetan.

Familia pobreei dirulaguntzak emateko konbenioa sinatu da

L.K.G. / GASTEIZ

Larrialdi handiko egoeran dauden Euskal Autonomi Elkarteko familiei dirulaguntzak emateko konbenioa sinatu zuten atzo Lakuan Paulino Luesma Lan eta Gizarte Segurantzza sailburuak eta hiru foru aldundietako ongizate diputatuak. Pobreziaren aurkako Plagintzako bigarren mailako 1991ko ordainketaren gauzatzeari dagokio sinatutako konbenioa.

Guztira, 1.900 milioi pezetakoa (95 milioi libera) da Eusko Jaurlaritzak eta diputazioek ordainduko duten diru kopurua. Herrialde bakoitzak jasoko duen dirua biztanleriaren

arabera zehaztu denez, Bizkaia 1.100 milioi pezeta eramango ditu; Gipuzkoak, 520; eta Arabak, 280.

Dena den, dirulaguntza mota hauetarako bideratzen duten diru kopuru osoaren % 20 emateke dago oraindik, herrialde bakoitzeko beharizanak direla eta aurrerantzean foru aldundiek banatuko dutena.

Larritasun ekonomikoak jasaten dituzten familiek jasoko dituzte dirulaguntzak, alegia, «etxebizitza nahiz oinarritzko beharizanetan premia handiak dauzkatenek edo bi arlo horiek eraginda zorpeturik direnek ere», argitu zuen Luesmak.

Jesus Loza diputatu arabarrak aditzera eman zuenez, «bi mila pasatxo» dira aurrean laguntza hauen babesa jaso duten Arabako familiak. Bizkaian, Josu Montalban Ongizate diputatuak esan zuenez, «3.200 familiak jaso dute dirulaguntza».

Datorren urteari begira, Pobreziaren aurkako Planaren «aplikazioa normaltasun osoz» egingo dela adierazi zuen Paulino Luesmak. Sei mila milioi pezetakoa izango da, diputazioentzako 730 milioi pezetaz gain. Gutxieneko laguntzak (IMI) % 5eko igoera izango duela iragarri zuen.

JA JA
UMEAK BAI TONTOAK EZ
DISKA eta KASSETTA



ALBERDI KOMERTZIALA, S. A.
Armentia GASTEIZ
Tfnoa.: 130 300 (945)



RENAULT
BIZITZEKO
PLAZERRA